



14424

kat.komp.

III

Mag. Sr. Dr.

P

Carolus.

*Sandomiriensis Collegii Soc. Jem. Equitibus
Korciiani mausoleum.*

PANEG. et VITAE

Polon. Fol.

N^o. 466.

Biblioteka Jagiellońska



stdr0005576

EQVITIS
KORECIANI
MAVSOLEVM.

Æternis Virtutum Gloriaeque Characteribus
INSCRIPTVM

A Collegio Sandomiriensi Societatis IESV.

DVM

Exequiarum Iusta soluerentur



Illustrissimo & Excellentissimo PRINCIPIS

SAMVELI CAROLO
KORECKI, DVCI IN KORZEC,
Gubernatori Ropczycensi.

Sub Illustrissimis Tutorum Auspiciis,

BOGVSLAI COMITIS à LESZNO
LESZYNSKI,

Thesaurarij Regni. Maioris Poloniae Generalis,
Capitanei Miedzyreceń. &c. 144247.

RAPHAELIS COMITIS à LESZNO
LESZYNSKI,

Succamerarij Bresteń. &c.

Nec non Heredis Illustrissimi

SAMVELIS COMITIS à LESZNO
LESZYNSKI,

Palatinidæ Derpatensis.

ANNO SÆCVLI, M. DC. LII.

CRACOVIÆ,

In Officina Viduæ & Heredum Francisci Cesarij. S. R. M. Typog.



A D

ILLVSTRISSIMOS
HEREDIS TVTORES.



Estinatá SAMVELIS KORECII in morte, fatis an hominibus irasci oporteat, ij viderint, quibus in abdita rimari mos & fas Illustrissimi DD. Mirari cum Tullio, volucrum rerum humanarum cursum, non indignari, eos conuenit, qui vt ad Aeternæ mentis arbitria se suaq; fingunt, ita euentorum causas altiores habent, quàm quæ in summo posita cernuntur, & feruntur vulgò. Sæcula & Homines, adeoq; & ortas ex vtriusq; familias interire, non hoc primùm edocemur exemplo. Habet in numero merens Patria, qui, quum illustre à Maioribus genus non accepissent tantummodò, sed & fecissent, hodie in solis duntaxat Annalibus, prosapia vitam habent. Et fortasse non incommodè (si Tacito assentimur) rebus mortalium consuluit natura, vt sua ora fluminibus, suos & cursus, vtq; originem ita fines daret. Viuit attamen, viuetq; factorum meliùs quàm fastorum memoriá SAMVEL suo immortalis OLGERDO. Quaquam quid exhaustam querimur KORECIANI Sanguinis venâ obtento Herede; ad quem paternis maternisq; splendoribus ornatissimum, Martiales KORECIORVM virtutes & insignia, iure Hereditario transferunt. Fatale hoc Turcis nomen, quod in Te ad vtriusq; SAMVELIS, hoc est, ad Aui & Auunculi gloriam adolescit cum annis. E Magni SAMVELIS Heroicâ planè Filiâ prognatus, quidni Martiales Viri spiritus in Te transfusos cogitemus. Equidem in Vos, Illustrissimi Domini, magnis retrò subnixos Maioribus, hæc tam subita Principis fastigij incubuit ruina. Vos velut supremas labantis Ilij reliquias aspectabili gentis LESZCZYNIÆ PALATIO excepistis, Ducalibus auorum Statuis & imaginibus, Vestra inter Vestrorumq; decora collocatis. Nobis, qui è vicinia Pij Manibus benè precaturi accurrimus, hoc in funere postremis, si non emortualis straguli lacinias manu sustinere, aut præferre facem, at licet, saltem inter Vmbra magni corporis sequaces censeari.

Illustrissimarum Celsitud. VV.

Obsequijs paratissimum



Collegium Sandomiriën.
Societatis IESV.

D E O

ET MEMORIAE POSTHUMÆ.
SAMVEL CAROLVS KORECKI

Hoc à Patre, illud à Patruo nomen inditum
Vtrumque ex dignitate vtriusque gessit.

Primum id prolis Heroicæ elementum est:
Patritia virtutum vocabula reddidisse factis.

H I N C

Senatoriam * Aui mentem, peritiâ consulendi:

Præliarem * Patruum genium, studio armorum:

Ciuilem * Patris prudentiâ, dexteritate agendarum rerum,

Compendio in se transtulit, & absoluit.

* Palatini Wol-
hyn.

* Terroris Tur-
carum.

* Castellani
Volh.

Nimirum

Excellentis naturæ est, rapi in similitudinem suorum.

Vitæ Annales, non tam ætatum discrimine

Quàm domesticis carorum funeribus distinxit.

Puer admodum, fatis præreptâ Matre,

Bullam pueritiæ, pullâ veste afflixit.

Adoleicens Patre orbatus

Prætextam posuit paternis cum exuijs.

Ætate vir: Togam & Sagum

Pacis & belli vsibus quoad licuit, detruuit.

Cyrum diceres à puero iam inde expositum aduersis;

Quasi præbendus fortunæ fuisset, vt contra ipsam, ab ipsâ duraretur.

Ne tamen orbitatis damna sentiret,

Parentum loco, altrices Honesti literas adamauit.

Vel idcirco maternis abstractus à complexibus,

Quò maturius ad Musarum illicia aspiraret.

Q V I P P E

Nec simplex ætas capi solet, quin spe aliquid prægustârit;

Quamquam facile bonis artibus optimi quique, inescantur.

E fidissima integerrimi † Tutoris Prouidentia

Idoneos doctrinæ morumque nactus eruditores,

Metum & Cupidinẽ, duos iuuentæ Scopulos impunè transmisit;

Arcadijs & Theodosijs hoc laudabilior,

† Nicolai Du-
cis Czartory-
ski Terrarum
Volh. Castellani.

Quòd terrorem non incusserit Arsenio, cui obseruantiam debuisset.
Ducali in Collegio Principem sui partem excolere aggressus,
Ad sublimia operum, cæptis grandibus prolusit;
Ut iam tum digna literis gesturus videretur,

Ostrogij literas auspicatur

Quòd sic deperiret literas,
Quibus imbui suam purpuram voluit, non tingi,
Nusquam non propitiam expertus Palladem
Quiduis ab ingenio impetrabat suo.

Urgeri se Ephori stimulis haud tulit,
Cui proprium calcar Gloria admouisset.

**Alter Isocratis discipulus tardior.*

SED HEV!

Literario in ludo prima laudum Olympia ludentem
Obiecto Patris tumulo, mors pedisequa tardauit!
Hæc Terminalia, ludos ei clausere Prætextatos!

Studiorum cursum Patris obitus interfecit.

AT ILLE

Quam studia præcipiunt pietatem

Aliàs in cultu & obsequijs, hîc in luctu & Exequijs, exsecutus,
PARENTEM PARENTALIBVS complorauit.

Cui parentat in vrbe sui Ducatus.

Nemini æquius immortalẽ precatus lucem,
Quàm à quo ipse accepisset mortalem;

Nec vlli iusta iustius exsoluit, quàm Iuris vindicæ
Tribunalitiã ex vrbe ad Diuinum euocato Tribunal.

Defuncto Lublini.

Ex insignibus Magni Progenitoris, ea selegit auidius,
In quæ rapax factorum necessitas nihil posset

Æternæ mentis mansuram Imaginem:

Quam (recto + Boleslai ex more) identidem respectans +
Exigeret à se quidquid sui fuere Primores.

Kriouoffi.

Et en consimilem fortis ordinem ac euenta!

Paternum è viuis discessum, suã ad Exteros profectioẽ exceptit,
Ita diuersis ambo, viã vitæque itineribus, Patriã excessere;

Patre sepulto iter ad Exteros adornat.

Dispar tamen vtriusque exsilium:

Huic suoapte arbitrio, illi æternis legibus imperatum.

Laudatissimæ ad longinqua regna excursionis
Præter fortunam comitem, & famam prodromam

Vnã cum Ducibus Czartoriscijs.

Collegas (iure sanguinis) adlegit Principes:

CASIMIRVM & MICHAELEM CZARTORISCIOS,

Stirpe Regiã, summis dotibus, ingenio eminenti germanos;

Eorum indoles.

Libenter illic studiorum stadia decursurus,

Vbi genere, annis, & animis concurrerent Æquales.

Vna

Vna hæc certissimæ Fraternitatis ratio est,
Eundem sanguinem virtutibus & affectibus miscuisse.

Et consanguinitas cum Korceijs.

Nec immeritò

Illustribus Trium Principum ingenijs

Principes in Stiria, Austria, Belgio, Academia quæsita: Apud Patres Soc: Iesu, Lincij, Passauj, Constantiæ, Colonia, Agrippinæ.

Vt qui iam spe ingenti Patriam implèssent,

Florentissima Vniuersitatum Gymnasia sui admiratione occuparent.

Sic disiunctas cælo prouincias, famâ nominis coniungentes

Audiri pariter, spectarique sunt in theatro terrarum.

Mitioribus primò, dein seueris instructi disciplinis,

Vtrasque Humanitatis in vsu, & officijs expressere.

Eximium id, præcellentium Animarum priuilegium est,

Etiã in Regno literarum palmam præ alijs tenuisse.

Pulchrum illis excellere sciendi appetentiã,

Nè sera sibi (vt Carolo V.) inscitie pœnitentia obreperet.

Lipsius.

Adeò Martius alioqui * Olgerdi & Vitoldi sanguis * Maiores horum Principum.

Pacatum doctioris Mineruæ in amorem caluit!

Tullij & Aristotelis eò studiosior,

Quòd Orationem alter, alter excoleret Rationem;

Cuius periculum facturus in Logicis Assertionibus De Vniuersa Logica disputat.

Sapientiæ Doctores terruit, eorum de se iudicia antegressus.

Rediisse putares tempora, quibus Principes

Æquè cupidè eruditionem ac potestatem ambirent.

Octo Physicorum libros (quos orbi inuiderat Macedonicus)

Vt essent sui iuris, intelligendi possessione obtinuit.

Documento: Rectiorem Principum Philosophiam esse

Per Naturæ abdita, ad Consiliorum secreta descendere.

Duaci apud Belgas Princeps (quod Plato voluit) philosophatus, In Collegio Societ: Iesu.

Peripatetici Principis, in publicâ defensione, patronum egit.

Veteris memoriæ Scriptores eo euoluit consilio

Quò calamitatis alienæ fastis cautior,

Vtriusque fortunæ prompta haberet vel remedia, vel exempla.

Ethicæ, Politicæ, Mathematicæ percupidus

Quòd illa virtutibus, hæc Curia, postrema suffragetur Castris: Artes fortunæ suæ congruas ediscit.

Prima Hominem, altera Ciuem Patriæ, tertia Bellatorem imbuat.

Pacis tamen Artibus Equestrem libens adiecit,

Vtpote suo EQVITI ornando armandoque aptam.

Septennio Externis immoratus Nationibus

Opum ac Temporis impendia, Experientiæ lucris redemit.

Secus quàm plerique peregrinantium: Solem & Solum mutando

Linguarum notitiam assuetudine vitiorum corrumpunt; Iacturâ peregrinantium.

Nec modò ætatem ingloriè sed & animam foris agunt.

IID PLANE EST

Spei florem terere alibi, nè fructum domi legas.

Admirabilior eâ parte Dux KORECIUS

Impositam sibi à Natura personam PRINCIPIS

Vbiq̄ue ex decore Profapiæ sustinens ostentansq̄;

Dignos gentium oculis & plausibus actus dedit.

Libertatis prærogatiuam iu Licentiæ titulum nè transferret

Sui ipsius imperio, non Parentum supercilio effecit.

Speciosa verbis, re inania haud moratus officia

Tacitus.

Regum Curias, Artium situs, Urbium armamentaria introspexit;

Italiæ Urbanitatem, Germaniæ candorem, Galliæ comitatem,

Belgij militares industrias, Angliæ acumen

Propria Nationum attributa.

Ad Lydium moris patrij expendens,

Nil in moribus absouum, nil in cultu arrogans admisit;

Gnarus utique

Generosius quilibet suâ nasci in Sede.

Curtius.

Trans Alpes Honori EQVITIQ. suo peruias

Ingens Mediolanum capaci indole impleuit.

Inde in Urbem, publicum Orbis Hospitium diuertens,

Romanam Pietatem cum sermonis puritate hausit.

Insuper: quâ erat corporis habitudine,

Armorum tractationem in Schola Martis Belgici edoctus

In Belgica digladiandi artem accepit.

Militiæ Tirocinia Exemplis fortibus terminauit;

Cùm postea

Triumphalis Patruj speciem altè animo conceptam

Cruentis ad Zborouiam impresionibus expressisset.

Vnâ illâ multarum instar Expeditione testatus Orbi

Quid in Patriam Amoris, quid animi in Rebelles haberet.

Quò loci: Hostium sanguine, & suo sudore ductis lineis

KORECIANÆ Fortitudinis operi, manum imposuit supremâ.

Eius Fortitudo memorabilis.

Felix qui illâ ipsâ in acie

A Rege laudatur.

Augustâ IOANNIS CASIMIRI voce ad posteros commendatus

Magno SAMVELI par * encomium non inuidit Nepos.

*Datum à Sigism. III.

Equo glande plumbeâ traiecto & lapsante,

Propè ad metas vltimi discriminis accesserat

Nisi confidentiæ suæ Causam & simul Patrocinium

In Deiparam Pietas & Donaria votiuâ.

In Matre Exercituum, (Veriore campi Dominâ) reperisset;

Cui Sponsalitijs olim subarrhatæ Annulis:

Gladium & Brachium Votiuâ sponsione dicauerat ad Aras.

Regni ad Tribunalia Deputato persæpè Iudici

Non

Non aliud Sententiæ pretium, quàm rectè iudicâsse.
Nempe, in fastigio Principalis opulentiaë positum
Omni affectione aut superiorem aut intactum fuisse par erat.
Idem nulli non hominum Ordini perfamiliaris,
Venerationem sui (quod mireris) è proximo intendit!

Tribunalitium
Iudicem mul-
toties egit.

A natura præstanti

Dignum Heroïco Spiritu domicilium sortitus,
Decorâ proceritate oris ac vultûs maiestatem auxit.

Manu & ferro quis fuerit, vt probaret,
Rebellantium nuper reliquijs quâ fugatis, quâ deletis,
PACIFICATOR latè per * Wolhyniam audiit.

Dotes corpo-
ris.

* Tumultuan-
tem sub initia
Anni 1649.

Quo tempore, nouo propagandæ gloriæ vsus artificio,
Tot nominibus suorum Ciuium Pater exstitit,
Quot amoto seruitutis iugo, Liberos post se reliquit.

Nobilitate ad-
eum perfu-
gente.

Optimè cætera meritis de Repub.
Vni in se querimoniam locum fecit:

Quòd ruente in se **KORECIORVM** Domo
Suaë Posteritatis generi non prospexerit;
Cuius negotium acturus (adlectâ magni nominis Conforte)
Præposteris itineribus non tam ad Nuptias perrexit, quàm ad Næcias.
Verè inequitat omni gaudio suus Dolor!

Sua iam po-
stremus Fami-
lia.

E H E V!

Momento variabilem personatæ Prosperitatis Comœdiam!
Aut si malis dici Tragœdiam: eodem actore, quo auctore

Ad Cereos Mortuales actam!

Medeæ geminam, nî extra fabulas gesta esset.

Eius exitus la-
mentabilis.

Et hîc videlicet

Nuptialium ignium festiua lux
In ferale abiit lychnos: Thalamus Tumulo commutatus!

Ita, Connubialis Fidei rata primùm fœdera
Tristi ad exemplum diuortio, festinata mors rescindens,
Martiali è Tæda, Rogum accendit sepulchralem!

Primo Nuptia-
rum die mor-
bo lethali
corripitur.

Non facîle crederent Posterì

Trium duntaxat Parcarum ministerio
Abrupta in vno tot Heroùm stamina,
Nisi auxiliares plurium operæ accessissent.
Nihil attamen molita est saua Atropos,

KORECIANO EQVITI laqueis communibus extricato
Expeditior ad immortalitatem cursus patuit per spatia meritorum.

Faceffant vmbraë Stygiæ

Veris Hic affuetus periculis, vmbra nec persequitur, nec timet.

*Hippocentaurum ne credite monstra Tartari, Bellator est: * Olim infigne eius Maiorum post in Equitem permutatur. Vide Stricouium.
Liunicis, Moschouitis, Theutonicis, Turcicis, Tartaricis,
Prælijs, victorijs, fœderibus, tam metuendus, quàm mitis.

Quin Tu ei da viam Æternitas

Aliam alibi felicitatis orbitam inituro.

ANNO CVRRENTIS SÆCVLI, M. DC. LI. Deceffit 1651.
22. Febr.

Vitæ cursum Gloriaëque cæpit veriùs quàm exegit.

Extremo agoni proximus acerbè indoluit

Alieno se loco & situ interceptum mori.

Vsq̄ueadeò Militari in domo genitum

Malè habuit, fato non succumbere campestri.

Inter ludicra Saturnalium Hilaria,

Saltatorium cæteris orbem modulatè versantibus

Iste ad momenta † Æternitatis, vel toro fixus, circumegit sese! † Quam moribundus inclamavit perſapè,

T A N D E M

Sacro Cinerum die (mortis attende religionem)

Commune pulueris tributum Naturæ,

Cælo Animam vectigalem (mortis exactoribus) redhibuit.

Enimuerò & his Defuncti Cineribus Die Cinerum expirat.

Magnorum capitum apices ritè adpersi sunt,

Meminissent in Originem intenti suam:

Etsi se supra homines, tamen ex Hominibus esse. Plin. Traian.

Hic demùm

SAMVEL CAROLVS KORECKI

Per Regia Iagellonicæ propinquitatis confinia

Deriuati ab * OLG ERDO sanguinis riuos clausit, * Gedimini filio.

E L A T Æ S E C V M F A M I L I Æ

S V M M V M F V N V S !

Age si sapis, ô Hospes:

E fatali, Magnorum Siderum occasu,

Et tuam ipse Vesperam ominare.





IN EQVITEM
KORECIANVM.




Parcite Curriculo SPES & FORTVNA: Suprema
Constitit ad Metas KORECIANVS EQVES.



R. W. H. B. 1840
M. V. A. 1840



Partie Curieuse des & Fortunes
Consist ad Metes & Origines des



7. 1840

